

讀

書

雜

志

史記第五

讀書雜誌三

高郵王念孫

屈原賈生列傳

濯淖

濯淖汗泥之中索隱曰濯音濁汗音烏故反泥音奴計反念孫案上言洗濯下言淖則文不相屬濯字當讀直教反濯淖壘韻宗濯淖汗泥四字同義說文曰潘浙米汁也又曰周謂潘曰泔又曰滌久泔也廣雅曰濯滌也曹憲音直兒反士喪禮湏濯棄于坎鄭注曰沐浴餘潘水釋文濯直孝反喪大記濡濯棄于坎皇侃疏曰濯謂不淨

之汁也。廣雅曰：淖，濁也。是濯淖皆汗濁之名。

不獲

不獲世之滋垢，疇然泥而不滓者也。念孫案：獲者，辱也。言不為滋垢所辱也。鄭注：士昏禮曰：以白造緇曰辱。是也。下句泥而不滓，即承不獲言之。廣雅曰：獲，辱也。又曰：澼，辱汚也。澼亦獲也。古聲義同耳。

懲違

懲，違改忿兮，抑心而自彊。念孫案：違非違逆之違，懲止也。違，恨也。言止其恨，改其忿，抑其心而自彊勉也。廣雅曰：怨，悻，恨也。悻與違同。無逸曰：民否則厥心違怨，否

則厥口詛祝，違亦怨也。詛亦祝也。正義以違為違命，失之。詳見經義述問。
邶風谷風篇：中心有違。韓詩曰：違，很也。很亦恨也。班固
幽通賦：違世業之可懷。曹大家曰：違，恨也。楚辭：違謫作
連。王注以連為留連，失之。

含憂

含憂，虞哀兮。索隱曰：楚詞作舒憂，娛哀。念孫案：含當為
舍，字之誤也。隸書含或作舍，又作舍，皆與舍字相似。舍即舒字也。說文：舒
從予，舍聲。小雅何人斯篇：亦不遑舍。與車旰為韻。史記
律書：舍者，日月所舍。舍者，舒氣也。左氏春秋：哀六年齊
陳乞弒其君荼。釋文：荼音舒。公羊：荼作舍。聘禮記：發氣怡焉。

鄭注曰發氣舍息也舍息卽舒息是舒與舍古同聲而通用王注楚詞曰言已自知不遇聊作詞賦以舒展憂思樂已悲愁是舒憂娛哀義本相承若云含憂則與娛哀異義矣

有命

人生有命兮各有所銷兮念孫家有命當從宋本作稟命此涉下句有字而誤也楚辭作民生稟命王注曰言萬民稟受天命而生

曾傷爰哀承嘆喟兮世溷不吾知心不可謂兮浩浩沅湘兮分流汨兮脩路幽拂兮道遠忽兮曾鑿恆

悲兮永歎慨兮世既莫吾知兮人心不可謂兮懷情抱
質兮獨無匹兮伯樂既歿兮驥將焉程兮人生有命兮
各有所錯兮定心廣志兮餘何畏懼兮曾傷爰哀永嘆
喟兮世溷不吾知心不可謂兮知外不可讓兮願勿愛
兮明以告君子兮吾將以爲類兮引之曰曾傷爰哀四
句乃後人據楚辭增入非史記原文也曾璿恒悲四句
卽曾傷爰哀四句之異文特史記在道遠忽兮之下楚
辭在余何畏懼兮之下耳後人據楚辭增入而不知已
見於上文也浩浩沅湘兮以下每句有兮字而增傷爰
哀世溷不吾知二句下獨無兮字與楚辭相合其增入

之跡尤屬顯然。永嘆喟兮，集解引王逸注曰：喟，息也。則後四句之增蓋在裴駟以前矣。又案此四句似當從史記列於道遠忽兮之下。今循其文義讀之，世既莫吾知兮，人心不可謂兮，懷情抱質兮，獨無匹兮，皆言世莫能知也。定心廣志兮，餘何畏懼兮，知死不可讓兮，願勿愛兮，皆言己不畏死也。其敘次秩然不紊，蓋子長所見屈原賦如此，較叔師本爲長。

自投

於是懷石遂自投汨羅以死。索隱本自投作自沈，念孫案下文云自屈原沈汨羅後，又云側聞屈原兮自沈汨

羅又云觀屈原所自沈淵則作自沈者是也東方朔七諫亦云懷沙藥以自沈

而寶康瓠

幹棄周鼎兮而寶康瓠索隱本無而字念孫案下句云騰駕罷牛兮驂蹇驢則無而字者是也漢書文選兮字竝在寶康瓠下亦無而字

請對以臆

服乃歎息舉首奮翼口不能言請對以臆念孫案索隱本臆作意注曰協音臆正義曰協韻音憶據此則正文本作請對以意謂口不能言而以意對也今本作臆者

後人以意與息翼韻不相協而改之也。不知意字古讀若億，正與息翼相協。明夷象傳獲心意也，與會則得息。國則爲韻，管子戒篇身在草茅之中而無憚意，與惑色爲韻。楚詞天問何所意，馭與極爲韻。呂氏春秋重言篇將以定志意也，與翼則爲韻。秦之罾刻石文承順聖意，與德服極則式爲韻。論語先進篇億則屢中，漢書貨殖傳億作意，皆其證也。此賦以意與息翼爲韻，故索隱正義竝以意爲協韻。下文好惡積意與息爲韻，正義亦云協韻音憶。若臆字則本讀入聲，何煩協韻乎？又案文選作請對以臆，亦是後人所改。據李善注云：請以意中之事對，則本作意明矣。而

今本并李注亦改作臆惟漢書作請對以意顏師古曰
意字合韻宜音億索隱正義皆本於此今據以訂正

其生若浮兮其死若休

其生若浮兮其死若休念孫案漢書文選竝作其生兮
若浮其死兮若休索隱本出其死兮若休五字則上句
亦當與漢書文選同今案其生兮若浮其死兮若休澹
乎若淡淵之靜汜乎若不繫之舟四句文同一例且浮
休舟三字皆於句末爲韻則索隱本是也今本作其生
若浮兮其死若休蓋蒙上文句法而誤

卷空而游

養空而游念孫案游當爲浮字之誤也索隱本作浮注曰言體道之人但養空性而心若浮舟也漢書文選竝作浮服虔曰道家養空虛若浮舟也皆其證上文其生兮若浮義亦同也

呂不韋列傳

且自大君之門

且自大君之門而乃大吾門念孫案且當爲益字之誤也益何不也言何不自大君之門而乃大吾門也若作且則與而乃二字義不相屬矣太平御覽居處部引此作益自大君之門顧乃大吾門高誘呂氏春秋注序作

何不大君之門，乃大吾之門，邪皆其證。

所養母

莊襄王所養母華陽后，念孫案養字後人所加。莊襄王乃夏姬所生，而華陽后為夫人時，立以為適嗣，故曰莊襄王所母華陽后。五字注曰：劉氏本作所生母生，衍字也。今檢諸本竝無生字，據此則養字亦後人所加明矣。後人不解所母二字之義，故妄加養字。

刺客列傳

范中行氏

故嘗事范中行氏念孫案范中行氏本作范氏及中行氏今本無氏及二字者後人依趙策刪之也不知古人屬文或繁或省不得據彼以刪此下文言范中行氏者前詳而後略耳亦不得據後以刪前索隱本出事范氏及中行氏七字解云范氏謂范昭子吉射也中行氏中行文子荀寅也則有氏及二字明矣羣書治要引此亦作范氏及中行氏

釋

卒釋去之念孫案釋本作醜古多以醜為釋字管蔡世家鄭隆楚楚復醜之魏世家與其以秦醜衛不如以魏醜衛孔子世家陽虎曰桓子與盟而醜之張儀傳掠管數百

不服醉之燕策王飲醉臣漢石門頌醉艱即安析里橋
部罔頌醉散關之勝燕北海相景君銘農夫醉耒並以
釋為索隱本作醉注曰音釋又田儋傳乃釋齊索隱本
亦作醉注曰古釋字今本皆改醉為釋而刪去其注後
人之矣也

眾終莫能就 請益其

臣欲使人刺之眾終莫能就念孫案眾與終一字也廊
風載馳篇眾穉且狂眾即終字猶言終溫且惠終囊且
貧也說見經義述聞史記五帝紀怙終賊刑徐廣曰終一作眾
周頌振鷺篇以永終譽後漢書崔駰傳終作眾是古字
多儻眾為終也今本作眾終莫能就者一本作眾一本

作終而後人誤合之耳

或讀臣欲使人刺之眾為句非也欲使人刺之與眾字意不相

韓策作臣使人刺之終莫能就其明證矣又下文

請益其車騎壯士可為足下勳翼者韓策益其作益具

於義為長

生得失

今殺人之相相又國君之親此其勢不可以多人多人

不能無生得失生得失則語泄索隱本出不能無生得

五字解云戰國策作無生情言所將人多或生異情故

語泄此云生得言將多人往殺俠累後又被生擒而事

池亦商通也念孫案如索隱說則史記本作不能無生

得齊語若不生得以數於羣臣猶未得請也昭二十三
年公羊傳君次于位曰滅生得曰獲項羽紀楚下榮
陽城生得周詩淮陰侯傳有今本得下有失字乃後人
能生得廣武君者斷千金以意加之也又索隱引韓策作無生情而今本亦作無
生得失則又後人據史記改之也

皮面

因自皮面決眼自屠出腸索隱曰皮面謂刀割其面皮
欲令人不識念孫案如小司馬說則當云割面皮不當
云皮面矣今案廣雅曰皮離也又曰皮剝也然則皮面
者謂以刀自剝六面也王褒僮約曰落桑皮櫻皮之爲
言猶披也續列女傳曰聶政自披其面是皮與披同義

購縣之

韓取聶政屍暴於市購問莫知誰子於是韓購縣之有能言殺相俠累者予千金念孫乘購縣之當爲縣購之謂縣金以購之也下文曰王縣購其名姓千金韓策曰縣購之千金皆其證

目攝之

荆軻嘗游過榆次與蓋聶論劍蓋聶怒而目之荆軻出人或言復召荆卿蓋聶曰曩者吾與論劍有不稱者吾目之試往是宜去不敢留使使住之主人荆卿則已駕而去榆次矣使者還報蓋聶曰固去也吾曩者目攝之

索隱曰攝猶整也。謂不稱己意，因怒視以攝整之也。正義曰攝猶視也。念孫案索隱解攝為整，不合語意。正義解攝為視，古無此訓，皆非也。攝讀為懾。鄭注樂記曰懾猶恐懼也。言曩者吾怒目以懼之，彼固不敢不去也。謂恐之懼使人恐亦謂之懼。昭十二年左傳楚子圍徐以懼吳是也。恐謂之懾使人恐亦謂之懾。呂氏春秋論威篇成所以懾之是也。襄十一年左傳武震以攝威之。釋文曰攝如宗又之。涉反。是懾與攝通。衛將軍驃騎傳懾懼者弗取。漢書作攝。樂記柔氣不懾。

搯其匈

臣左手把其袖，而右手搯其匈。集解徐廣曰搯一作抗。

索隱曰。搃謂以劔刺其背也。抗拒也。其義非。念孫案。抗與搃聲不相近。搃字無緣通作抗。抗當爲抗。俗書從亢之字作亢。從亢之字作亢。二形相似。故抗譌爲抗。說文抗。淡擊也。廣雅曰。抗。刺也。集韻。抗。搃。竝陟。甚切。搃之爲抗。猶湛之爲沈也。燕策作右手搃抗其背。抗亦抗字之譌。且亦是一本作搃。一本作抗。而後人誤合之耳。姚宏校本云。一無抗字。是其證矣。列子黃帝篇。攬。搃。挨。抗。釋文云。抗。方言。擊背也。一本作抗。違拒也。亦未知抗卽抗之譌耳。

腐心

此臣之日夜切齒腐心也引之日腐讀爲拊爾雅曰辟拊心也郭注謂椎骨也燕策正作拊心索隱訓腐爲爛非是。

李斯列傳

郡小吏

年少時爲郡小吏念孫案索隱本郡作鄉注曰劉氏云掌鄉文書據此則劉與小司馬本皆作鄉鄉謂上蔡之鄉也今本鄉誤爲郡又於注內加郡一作鄉四字斯爲謬矣太平御覽獸部引此作郡則所見本已誤藝文類聚獸部引此正作鄉

胥人者去其幾也

胥人者去其幾也。成大功者在因瑕釁而遂忍之。索隱
解上二句曰：胥人猶胥吏小人也。去猶失也。幾者動之
微言。小人不識動微之會，故每失時也。正義曰：胥相也。
幾謂察也。言關東六國與秦相敵者，君臣機密竝有瑕
釁，可成大功而遂忍之。念孫案：索隱誤解胥字。正義則
大誤矣。胥者須也。見孟子萬章篇趙注。漢書敘傳應劭注。須待也。去當爲
失字之誤也。言人有釁可乘，不急乘其釁而待之，是自
失其幾也。故下文曰：成大功者在因瑕釁而遂忍之。又
曰：今怠而不急就，諸侯復彊，雖有黃帝之賢，不能并也。

急而不急就。卽此所謂胥也。

竈上騷除

夫以秦之彊。大王之賢。由竈上騷除。

由與猶同。騷與掃同。

足以滅

諸侯。成帝業。太平御覽人事部引此。竈字上有老嫗二字。念孫案索隱曰。言秦欲并天下。若炊婦埽除竈上之。不淨。不足爲難。據此。則正文內有老嫗二字。明矣。

阿縞

阿縞之衣。錦繡之飾。徐廣曰。齊之東阿縣。繒帛所出。念孫案。徐以上文云。江南金錫。西蜀丹青。故以阿縞爲東阿所出之縞也。今案阿縞之衣。與錦繡之飾。相對爲文。

則阿為細縉之名非謂東阿也阿字或作阿廣雅曰阿

綺練也楚辭招魂弱阿拂壁弱與弱同阿細縉也言以

弱阿拂牀之曰壁也

王注以弱為弱席阿為曲隅皆失之辨見楚辭

淮南脩務

篇衣阿錫曳齊紈高注曰阿細縠錫細布

列子周穆王篇張湛注同

漢書禮樂志曳阿錫佩珠玉如淳曰阿細縉錫細布司

馬相如傳被阿錫揄紵綺張揖注與如淳同

快耳目

夫擊壤叩瓠彈箏搏鞞而歌呼嗚嗚快耳目者真秦之

聲也念孫案聲能快耳不能快目目字後人所加文選

無目字舊本北堂書鈔樂部六出彈箏快耳四字引史

記彈箏搏髀而歌鳴鳴快耳者亦無目字

陳馬誤依俗本增目字

藝文類聚樂部四太平御覽樂部十四所引竝無目字

秋霜降 水搖動

故秋霜降者草華落水搖動者萬物作念孫案索隱本出水搖者萬物作六字注曰水搖者謂水泮而水動也

據此則正文內本無動字蓋因注文而誤衍也此二句

原文當本作霜降者草華落水搖者萬物作今本作水

搖動則多一字後人不達又於上句內加秋字以對下

句耳不知霜降水搖相對為文若秋霜降與水搖動則

參差不協且下句不言春而上句獨言秋亦為不類矣

又案索隱訓搖爲動則正文內本無動字後人不知動爲衍文又改注文之水動爲搖動以牽合正文甚矣其謬也

足以爲寒心

禍及子孫足以爲寒心念孫案此本作足爲寒心足下有以字則文不成義文選報任少卿書注引此正作足爲寒心燕策曰夫以秦王之暴而積怨於燕足爲寒心又其一證矣

直馳道

又作阿房之宮治直馳道念孫案直馳道當作直道馳

道秦始皇紀二十七年治馳道集解應劭曰馳道天子道也若今之中道然六國表曰始皇三十五年爲直道道九原通甘泉蒙恬傳贊曰蒙恬爲秦塹山堙谷通直道是直道與馳道不同今本直下脫道字則文義不明羣書治要引此正作治直道馳道

蒙恬列傳

敦於事

帝以高之敦於事也赦之念孫案敦於事勉於事也爾雅曰敦勉也曲禮曰敦善行而不怠大戴禮五帝德篇曰長而敦敏秦會稽刻石文曰和安敦勉

張耳陳餘列傳

嫁庸奴亾其夫去

外黃富人女甚美嫁庸奴亾其夫去抵父客集解於亾
 其夫下注曰一云其夫亾也念孫案一本是也嫁字後
 人所加亾字本在其夫下庸奴其夫為句亾去為句抵
 父客為句漢書作外黃富人女甚美庸奴其夫師古曰
 賴其夫視如漢曰父時亾即父客故賓客也是其證也因亾字誤

之若庸奴故賓客也在其夫之上遂與庸奴二字義不相屬後人不得其解
 輒於庸奴上加嫁字而讀嫁庸奴為句廿二史劄記謂
 故逃之非也既為富人女而所嫁者乃庸奴亾其夫為句其謬甚矣徐
 又甚美則無嫁庸奴之理

廣讀其夫亾爲句亦非

竊聞公之將歿

竊聞公之將歿故弔念孫案聞字當從漢書副通傳作
閱閱憂也

淮陰侯列傳

特劫於威彊耳

項王所過無不殘滅者天下多怨百姓不親附特劫於
威彊耳念孫案彊讀勉彊之彊彊下當有服字劫於威
三字連讀彊服二字連讀言百姓非心服項王特劫於
威而彊服耳下文云今楚彊以威至此三人秦民莫愛

也語意正與此同今本脫去服字則當以威彊連讀而讀彊爲彊弱之彊非其指矣漢書及新序善謀爲彊下皆有服字顏師古曰彊音其兩反是其證

何所不

今大王誠能反其道任天下武勇何所不誅以天下城邑封功臣何所不服以義兵從思惠歸之士何所不散念孫案三所字皆後人所加索隱本出何不誅三字注曰劉氏云言何所不誅也又出何不散三字注曰劉氏云用東歸之兵擊東方之敵無不散敗也則正文內無三所字明矣漢紀有三所字亦後人據誤本史記加之

漢書新序竝無三所字鹽鐵論結和篇夫以天下之力
勤何不摧以天下之士民何不服句法與此同

欲反漢

漢之敗卻彭城塞王欣翟王翳亾漢降楚齊趙欲反漢
與楚和念孫案欲反漢當依宋本游本作亦反漢亦者
承上之詞此時諸侯皆反漢而與楚非但欲反也漢書
正作齊趙魏亦皆反與楚和

倍則戰之

吾聞兵法十則圍之倍則戰之念孫案宋本戰下無之
字是也十則圍之者言我兵十倍於彼則圍之也倍則

戰者言我兵倍於彼則與之戰也戰下不當有之字此
涉上句而誤行耳太平御覽兵部一引史記無之字漢
書及通典兵十三竝同孫子謀攻篇十則圍之五則攻
之倍則分之敵則能戰能乃也古謂乃爲能說見漢書能或滅之下言兵
數相敵乃與之戰也今本戰下有之字亦涉上文而衍
御覽引孫子亦無之字

能

今韓信兵號數萬其實不過數千能千里而襲我亦以
罷極念孫案此能字非才能之能能猶乃也言信兵不
過數千乃千里而襲我亦已疲極也又自序述侯幸傳

曰非獨色愛能亦各有所長能亦乃也言非獨以色見
愛乃亦各有所長也乃與能古聲相近故義亦相通說
見釋詞

須臾

足下所以得須臾至今者以項王尙存也念孫案此須
臾與中庸道不可須臾離異義須臾猶從容延年之意
也言足下所以得從容至今不灰者以項王尙存也漢
書賈山傳願少須臾毋灰思見德化之成也少須臾卽
少從容亦延年之意也故武五子傳奉天期兮不得須
臾張晏曰不得復延年也從容須臾語之轉耳

懷諸侯之德

案齊之故有膠泗之地懷諸侯之德念孫案此當從游
本作懷諸侯以德今本以作之者涉上兩之字而誤漢
書正作懷諸侯以德

東殺龍且

南摧楚人之兵二十萬東殺龍且西鄉以報念孫案東
殺龍且本作遂殺龍且後人改遂為東者欲與上南下
西相對耳不知摧楚兵殺龍且本是一事若云南摧楚
兵東龍殺且則分為二事矣漢書漢紀竝作遂斬龍且
知者決之斷也

故知者決之斷也疑者事之害也念孫案知者決之斷
當作決者知之斷下句疑者事之害正與此相反也有
智而不能決適足以害事故下文又申之曰智誠知之
決弗敢行者百事之禍也

韓王信盧綰列傳

後復破之

至晉陽與漢兵戰漢大破之追至于離石後復破之念
孫案此言漢兵破匈奴於晉陽復追破之於離石復上
不當有後字後即復之誤也

篆書復字作復後字作復
隸書復字作復後字作復

形竝相似故復誤作後穆天子傳比及三年將復而野
管子任法篇令出而復反之荀子成相篇恨復遂過不

肯悔趙策復合與跡重者皆非趙之利也今本復字並
 誤作後史記齊悼惠王世家已而復聞齊初與三國有
 謀絳侯世家復擊破絳王
 出陽漢書復字並誤作後今作後復破之者一本作復
 一本作後而後人誤合之耳漢書韓王信傳無後字

代上谷

聞冒頓居代上谷高皇帝居晉陽使人視冒頓還報曰
 可擊上遂至平城念孫案聞冒頓居代上谷行上字漢

書作居代谷是也

管子輕重戊篇曰代王將其士卒蒞於代谷之上鹽鐵論伐功篇曰趙武

靈王諭句注過代谷漢書梅福傳曰孝文皇帝起於代
 谷水經灤水注曰代谷者恒山在其南北塞在其北谷
 中之地上谷在東代郡在西 主父偃傳曰高皇帝聞匈奴聚於代谷

之外而欲擊之御史成進諫不聽遂北至於代谷累有

平城之圍是代谷與平城相近若上谷則去平城遠矣
又案漢之沮陽爲上谷郡治卽唐之媯州也今本云冒
頓居代上谷而正義於上谷下注云今媯州則張氏所
見本已誤衍上字

黥之

上自擊東垣東垣不下卒罵上東垣降卒罵者斬之不
罵者黥之念孫案黥當從高祖紀作原原之謂宥之也
今作黥者原誤爲京隸書原或作京京或作京二形相
似故原誤爲京檀弓是全要領以
從先大夫於九京也鄭後人又加黑旁耳若不罵者亦
注京蓋字之誤當爲原
黥之則人皆不免於罪矣

田儻列傳

非直手足咸也

懷螫手則斬手螫足則斬足何者為害於身也今田假
田角田閒於楚趙非直手足咸也何故不殺漢書作非
手足咸何故不殺漢紀作豈有手足之咸何故不殺念
孫案此則非直手足咸也直字當為有字之譌直字俗
作真形
與有
相近

無不 莫能圖

無不善畫者莫能圖何哉念孫案無不當為不無莫能
圖當為莫圖此言田橫之高節與其客之慕義從死天

下非無善畫者。何故不爲之作圖。故曰不無善畫者莫
圖何哉。今本不無作無不。莫圖作莫能圖。則非其指矣。
索隱本出不無善畫者莫圖何哉九字。今本不無作無不。乃後人依誤
本改注曰。言天下非無善畫之人。而不知圖畫田橫及
其黨慕義。死節之事。何故哉。是其證。

樊鄴滕灌列傳

肩蔽

亞父謀欲殺沛公。令項莊拔劍舞坐中。欲擊沛公。項伯
常肩蔽之。念孫案肩當爲屏。字之誤也。漢書作屏蔽。謂
以身屏蔽之。非謂以肩蔽之也。項羽紀曰。項莊拔劍起

舞項伯亦拔劍起舞常以身翼蔽沛公彼言翼蔽猶此
言屏蔽矣。

張丞相列傳

卽

是後戚姬子如意爲趙王年十歲高祖憂卽萬歲之後
不全也念孫案卽猶或也言高祖憂萬歲之後趙王或
不全也卽與或古同義越語大夫種曰有帶甲五千人
將以致死無乃卽傷君王之所愛乎言或傷君王之所
愛也爾雅釋地曰西方有比肩獸焉與邛邛距虛比爲
邛邛距虛齧甘草卽有難邛邛距虛負而走言或有難

也。卽訓爲或。又訓爲若。互見匈奴酷吏二傳。

有堅忍質直

御史大夫周昌。其人有堅忍質直。念孫案。堅忍質直。上不當有有字。蓋衍文也。太平御覽職官部引此。無有字。漢書周昌傳作其人堅忍伉直。亦無有字。

子類

封爲北平侯。孝景前五年。蒼卒。子康代侯。八年卒。子類代侯。集解徐廣曰。類一作顛。音曠。索隱單行本注曰。案漢書云。傳子至孫毅。有罪。國除。今此云。康代侯八年卒。子顛代侯。則顛卽毅也。以上索隱注今漢書張蒼傳作類。又

史記高祖功臣侯者表作預漢表作類念孫案此字本作類或作願竝讀如聾聵之聵今本史記漢書作類卽類之譌也。易林家人之咸視聽聾類今本類譌作類說文類癡顛不聰明也

從頁豕聲。豕音玉篇音毅又音曠集韻類願竝與曠同音。願字注曰漢有北平侯願卽此所謂子願代侯者故徐廣曰類一作願音曠也。若作類則不與願曠同音矣。隸書類字或作類。見漢外黃

令高形與類相似故類譌作類功臣表作預索隱引漢書作毅皆類之譌也。

他官

鎔所穿非真廟垣乃外塹垣故他官居其中念孫案他

官二字義無所取當從漢書作宀官顏師古曰宀謂散
輩如今之散官是也周官棄人掌其外內朝宀會者之
書之屬諸上直者釋曰宀散也外內朝上直諸吏謂之
宀吏亦曰散吏以上直不歸家宿棄人供之因名宀會
者案宀會者上直外內朝宀與它字形相近當是宀誤
與此言宀官居其中同義
爲它後人又改爲他耳

酈生陸賈列傳

三皇

繼五帝三皇之業念孫案三皇當從漢書漢紀說苑奉
使篇作三王漢承周秦之後故云繼五帝三王之業若
作三皇則非其指矣太平御覽奉使部引史記亦作三

王

劉敬叔孫通列傳

臚句傳

大行設九賓臚句傳念孫案臚下本無句字此後人依漢書加之也索隱本出九賓臚傳四字注曰漢書云設九賓臚句傳蘇林云上傳語告下云臚下傳語告上云句則漢書有句字而史記無句字明矣集解引漢書音義曰傳從上下為臚但釋臚字而不釋句字又其一證也又案索隱引韋昭云九賓則周禮九儀也謂公侯伯子男孤卿大夫士漢依此以為臚傳也又漢書百官表

天鴻臚應劭曰郊廟行禮讚九賓鴻臚傳之也應劭
韋昭皆但言臚傳而不言臚句傳與史記同是言臚卽
可以該句也後人於史記加入句字則與注內漢書云
臚句傳之語不合乃或刪去此語以牽合已誤之正文
其失甚矣

莫能習

先帝園陵寢廟羣臣莫能習念孫案莫能習當從漢書
作莫習莫習者謂羣臣未習此禮非謂莫能習也能字
後人所加北堂書鈔設官部藝文類聚職官部引史記
竝無能字

季布樂布列傳

黃金百斤

楚人諺曰得黃金百斤不如得季布一諾念孫案百與

諾為韻

百古讀若博莊子秋水篇問道百與若為韻漢書鄒陽傳勢鳥象百與鴟為韻蔡邕獨斷蟾祝

辭歲取千百與宅塾作為韻

斤字後人所加也漢書食貨志馬至匹

百金辭瓚曰秦以一溢為一金漢以一斤為一金

見平準書

集解此言黃金百即是一斤無煩加斤字也漢書季布傳

無斤字

項王所以遂不能西徙以彭王居梁地

方上之用於彭城敗然陽成梟聞項王所以遂不能西

徙以彭王居梁地與漢合從苦楚也徙宋本作徒念孫
案此當從漢書作項王所以不能遂面句徒以彭王居
梁地與漢合從苦楚也宋本遂字誤在不能上今本徒
字又誤作徙遂致文不成義太平御覽人事部引史記
正與漢書同

袁盎鼂錯列傳

與

妾主豈可與同坐哉念孫案與猶以也故漢書作以貨
殖傳曰智不足與權變勇不足以決斷仁不能以取子
與亦以也互文耳以與一聲之轉故古或謂以爲與說

見釋詞

乃以刀決張道從醉卒直隧出

乃以刀決張道從醉卒直隧出集解如淳曰決開當所

從亾者之道張音帳漢書顏師古注義同念孫案道與

決張義不相屬如顏皆以道為道路之道上屬為句非

也道讀曰導下屬為句隧字當在直字上醉卒隧三字

連讀直出二字連讀

今本直字誤在隧字上則文不成義漢書作道從醉卒直出醉

卒隧者當醉卒之道也魏決開軍帳導之從醉卒道直

出也說苑復恩篇作乃以刀決帳從醉卒道出

宋本說苑從醉

誤為醉從今本又誤為率徒

醉卒道即醉卒隧也隧訓為道則上道

字非謂道路明矣

後曹輩

梁刺客後曹輩果遮刺殺益安陵郭門外念孫案後曹
下本無輩字曹卽輩也且後曹二字卽承上後刺君者
十餘曹而言則曹下愈不當有輩字蓋因上集解內有
如淳曰曹輩而誤衍也漢書無輩字

張釋之馮唐列傳

一人

廷尉奏當一人犯蹕當罰金念孫案一人二字於義無
取當從宋本作此人此涉上文有一人從橋下走出而

誤也藝文類聚水部引史記作一人亦後人依誤木史
記改之初學記地部太平御覽儀式部引史記竝作此
人漢書同

昂

匈奴新大入朝那殺北地都尉昂念孫案昂本作印淺
學人改之也索隱本作印注云都尉姓孫名印今既改
正文爲昂又刪去注內名印二字矣孝文紀匈奴傳及
惠景閒侯者表竝作印漢書漢紀同

萬三千

遣選車千三百乘轂騎萬三千念孫案萬三千下脫去

匹字蘇秦傳曰車千乘騎萬匹又曰車六百乘騎五千匹皆以乘匹對文此亦當然太平御覽兵部引此正作設騎萬三千匹漢書馮唐傳同李牧傳亦云具選車得千三百乘選騎得萬三千匹

南友

西抑彊秦南友韓魏念孫案友當從宋本游本作支字之誤也太平御覽兵部九引此正作支漢書同

田叔列傳

勅易處

邑中人民俱出獵任安常爲人分麋鹿雉兔部署老小

當壯勵易處念孫案勵易下本無處字部署老小當壯

勵易者當丁也勵難也今俗作劇言部署其人之老小丁壯

及事之難易也羣書治要引六韜龍韜篇曰知人飢飽

習人勵易後漢書章帝紀曰駕言出游欲親知其勵易

列女傳曰執務私事不辭勵易李賢注勵猶難也是古謂難易

為勵易也勵易下不當有處字太平御覽人事部資產

部獸部引此皆無處字

扁鵲倉公列傳

終日

終日扁鵲仰天歎曰念孫案此終日非謂終一日也終

日猶良久也言中庶子與扁鵲語良久扁鵲乃仰天而

歎也呂氏春秋貴卒篇曰所為貴鏃矢者今本鏃譌作鏃

兵略為其應聲而至終日而至則與無至同言良久乃

至則與不至同也高注終一日素問脈要精微論曰言

而微終日乃復言者此奪氣也亦謂良久乃復言也良

久謂之終日猶常久謂之終古矣鄭注考工記曰齊人之言終古猶言常也

破陰絕陽之色已廢脈亂

上有絕陽之絡下有破陰之紐破陰絕陽之色已廢脈

亂故形靜如死狀念孫案破陰絕陽以下十字文不成

義此本作破陰絕陽句色廢脈亂句故形靜如死狀句

上文血脈治也正義引此文云色廢脈亂故形靜如死
狀是其證也今本色上有之字乃涉上文兩之字而衍
其己字卽色字之誤而衍者耳太平御覽方術部引此
有之己二字乃後人依誤本史記加之其人事部脈類
引此無之己二字

疑始

良工取之拙者疑殆念孫案此殆字非危殆之殆殆亦
疑也古人自有複語耳言唯良工爲能取之若拙工則
疑而不能治也襄四年公羊傳注曰殆疑也論語爲政
篇思而不學則殆言無所依據則疑而不決也又曰多

聞闕疑慎言其餘則寡尤多見闕殆慎行其餘則寡悔
殆亦疑也悔亦尤也變文協韻耳大雅生民篇庶無罪
侯鄭箋曰無有罪過
襄二十九年公羊傳天苟有吳國
尚速有悔於子身何注曰悔咎也呂氏春秋去尤篇以
黃金投者殆莊子達生篇作以金注者殯殮迷也殆卽
疑殆之殆亦迷惑之意也

體病

後五日桓侯體病念孫案體病當爲體痛字之誤也桓
侯之病由腠理而血脈而腸胃而骨髓至此則病發而
體痛故養生論曰桓侯以覺痛之日爲受病之始若言
體病則非其指矣太平御覽人事部方術部引此作體

病則所見本已誤文選爲石仲容與孫皓書注引此正
作體痛韓子喻老篇新序雜事篇亦作體痛

所

受讀解驗之可一年所念孫案一年所猶言一年許也
許與所聲近而義同小雅伐木篇伐木許許說文引作
伐木所所漢書疏廣傳數問其家金餘尙有幾所顏師
古曰幾所猶言幾許也是其證下文曰要事之三年所
又曰今歲已死十年所又曰腎部上及界要以下者枯
四分所又曰十八日所而病愈續滑稽傳曰率取婦一
歲所者卽棄去漢書游俠傳曰原涉居谷口半歲所檀

弓注封高四尺所正義曰所是不定之辭義並與此同

蹶人中 前淡

齊郎中令循病眾醫皆以為蹶人中而刺之臣意診之

曰涌疝也令人不得前後淡飲以火齊湯一飲得前淡

再飲大淡三飲而病愈

今本病誤作疾據宋本及太平御覽引改

念孫案蹶

人中入當為入字之誤也蹶亦作厥釋名曰厥逆氣從

下厥起上行入心脇也故曰蹶入中太平御覽方術部

引此正作蹶入中下文齊北宮司空命婦出於病眾醫

皆以為風入中病主在肺刺其足少陽脈臣意診其脈

以病氣疝客於旁丸難於前後淡事與此相類也又案

一飲得前澁前下當有後字言一飲而前後澁始通再
飲則大澁也大澁二字兼前後言之則上句原有後字
明矣太平御覽引此正作一飲得前後澁下文齊王太
后病臣意飲以火齊湯一飲卽前後澁事與此相類也

順清

并陰者脈順清而愈念孫案清讀爲動靜之靜上文肝
氣濁而靜徐廣曰一作清下文病重而脈順清清竝與
靜同

流汗出瀡

病得之流汗出瀡瀡者去衣而汗晞也瀡劉伯莊音巡

引之曰。澌當為澌。讀與脩同。王風中谷有蕓。篤嘆其脩矣。毛傳曰。脩且乾也。釋名曰。脯又曰脩。脩縮也。乾燥而縮也。小雅湛露傳曰。晞乾也。是脩晞皆乾也。作澌者假借字耳。流汗出澌者。流汗出而乾也。故下文曰。澌者去衣而汗晞也。隸書循脩二字相似。故澌譌作澌。繫辭傳

脩也。釋文曰。脩。馬作循。莊子大宗師篇。以德為循。釋文。循。本亦作脩。史記。厥書。朕唯未能循明也。漢志。循作脩。尚君傳。湯武不循古而王。索隱曰。尚君書作脩。古。漢北海相景君碑陰。故循行都昌台。邱遲金石錄曰。案後漢書百官志注。河南尹官屬有循行一百三十人。而晉書職官志。州縣吏皆有循行。今此碑陰載故吏都昌台邱遲而下十九人。皆作循行。他漢及晉碑數有之。亦與此碑陰所書同。豈循脩字畫相近。遂致訛謬耶。隸續曰。循脩二字。隸法只爭一畫。書碑者好奇。所以從省。循用考說文玉篇廣韻皆無澌字。

集韻瀕松倫切流兒引史記汗出瀕瀕既誤沿劉氏之音又誤以瀕瀕二字連讀而訓為流兒其失甚矣

關內

濟北王召臣意診脈諸女子侍者各本脫臣宗至女子

豎豎無病臣意告永巷長曰豎傷脾不可勞法當春嘔

血外病得之流汗流汗者同法病內重毛髮而色澤脈

不衰此文有脫誤此亦關內之病也念孫案關內當為內關

上文齊侍御史成自言病頭痛臣意診其脈曰此內關

之病也此文云此亦內關之病也亦字即承上文言之

下文齊丞相舍人奴從朝入宮臣意望其色有病氣即

告官者平曰此傷脾氣也當至春鬲塞不通不能食飲
法至夏泄血外脈法曰病重而脈順清者曰內關內關
之病人不知其所痛心急然無苦奴之病得之流汗數
出灸於火而以出見大風也事與此相類以上三人皆
內關之病內關之病久不治故三人皆如期而歿內關
猶內閉也靈樞經終始篇曰脈口四盛且大且數者名
曰溢陰溢陰爲內關內關不通久不治此之謂也

諸客坐

齊王黃姬兄黃長卿家有酒召客召臣意諸客坐念孫
案諸客上脫與字太平御覽引此作與諸客坐

卽弄之

黃氏諸倩見建家京下方石卽弄之念孫案卽弄之三
字文不成義太平御覽引此作取弄之於義爲長

病僇 寒薄吾

臨菑汜里女子薄吾病甚臣意診其脈曰僇瘕病僇得
之於寒溼念孫案病僇之僇因上文而誤衍也凡篇內
稱病得之於某事者皆不言其病名並見上以病名已
見於上文也又下文臣意所以知寒薄吾病者寒字亦
因上文而衍凡篇內稱所以知某之病者皆不言其致
病之由亦見上亦以致病之由已見上文也或謂寒字

當在薄吾下非也宋本無寒字

皆異之

病名多相類不可知有數者皆異之無數者同之念孫案旨當從宋本作能字之誤也此言病同名而異實唯有數者能異之無數者則不能也索隱本作能異之注曰謂有術數之人乃可異其狀也是其證

古傳方

臣意間菑川唐里公孫光善爲古傳方念孫案古傳方當作傳古方索隱曰謂好能傳得古方也正義曰謂全傳寫得古人之方書皆其證

邪逆順

及氣當上下出入邪逆順念孫案邪下脫正字太平御覽引此作邪正逆順

吳王濞列傳

益鑄錢

濞則招致天下亡命者益鑄錢念孫案益鑄錢當依正義作盜鑄錢字之誤也文選吳都賦燕城賦注引此竝作盜漢書亦作盜

億亦

願因時循理棄軀以除患害於天下億亦可乎念孫案

億讀爲抑與之與之抑也文王世子注億可以爲之聲億亦
卽抑亦也漢書作意亦繫辭傳作噫亦竝字異而義同
說見經義述聞噫亦下

及

王苟以鎔不善何不以聞及未有詔虎符擅發兵擊義
國念孫案及當爲乃言王何不以聞而乃擅發兵也漢
書亦誤作及又朝鮮傳將率不能前及使衛山諭降右
渠及亦當爲乃言前以將帥不相能乃使衛山往諭右
渠也漢書正作乃

魏其武安列傳

子姪

蚡往來侍酒魏其跪起如子姪引之曰古者唯女子謂昆弟之子爲姪男子則否子姪當依漢書作子姓顏師古曰姓生也言同子禮若已所生是也凌樺隆反以姓爲姪之謬甚古謂子孫曰姓或曰子姓說見呂氏春秋子姪下

郡國諸侯

天下士郡國諸侯愈益附武安念孫案國字後人所加郡諸侯謂郡與諸侯也漢書百官表曰列侯所食縣曰國此言郡諸侯卽是郡國若旣言諸侯而又言國則文不成義矣索隱本出土郡諸侯四字注曰謂仕諸郡及

仕諸侯王國者猶言仕郡國也則正文內無國字明矣
漢書亦作郡諸侯顏師古曰郡及諸侯猶言郡國也是
其證徐孚遠曰索隱說小曲天下士士人也郡國諸侯
列侯也言此兩種皆附武安案徐以士爲士人是也而
不知正文內本無國字且云郡國諸侯列侯也斯爲謬
矣

李將軍列傳

大軍誘之

今我畱匈奴必以我爲大軍誘之

大軍本或作大將必軍非史註已辯之

不敢擊我念孫案大軍誘之當作大軍之誘言匈奴必

以我爲大軍之誘敵者不敢擊我也上文曰匈奴數千騎見廣以爲誘騎是也若云大軍誘之則非其指矣漢書李廣傳正作大軍之誘

如

漢法博望侯晉遲後期當歿贖爲庶人廣軍功自如無賞念孫案自如者自當也謂廣爲匈奴所敗又能敗匈奴其軍功與過自相當故無賞也漢書自如作自當是其證又匈奴傳匈奴自度戰不能如漢兵亦謂不能當漢兵也漢書作不能與漢兵如與聲相近與亦當也

漢書朝鮮傳

恐不能與下古者如與當同義衛策曰夫宋之不足如

見說

梁也寡人知之矣高注曰如當也漢書董仲舒傳乘富貴之資力以與民爭利於下民安能如之哉言民不能當之也

軍曲折

因問廣愈其失道狀青欲上書報天子軍曲折正義曰言委曲而行迴折使軍後大將軍也念孫案軍曲折軍上當有失字廣愈其軍與大將軍軍相失故曰失軍報失軍曲折者報失軍之委曲情狀也漢書作失軍曲折師古曰曲折猶言委曲是也正義謂委曲而行迴折失其指矣

史記第五

史記第六

讀書雜誌三

高郵王念孫

匈奴列傳

橐駝 驛駝

其奇畜則橐駝驢羸馱駟駝念孫案駝當為佗
 漢書匈奴傳作橐佗字或作佗大宛傳驢駝橐佗以萬
 數是也又作他楚策趙代良馬橐他是也作駝者俗字
 耳索隱本作橐他注曰他或作駝今則正文注文俱改
 為駝下文請獻橐他一又刪去或作駝三字矣說文佗
匹他字尙未改
 負何也徐鉉曰史記匈奴奇畜有橐佗則徐所見本正

作佗也又驪駮索隱本作驪奚注曰鄒誕本奚字作駮
案驪字徐廣音顛而駮字無音則本作奚可知漢書亦
作奚皆古字假借也今則正文改為駮又改注文曰鄒
誕本駮字作奚矣

彎

士力能彎弓念孫案彎本作毋此後人據漢書改之也
史記彎弓字或作貫陳涉世家士不敢貫弓而報怨五
子胥傳貫弓執矢是也說文毋穿物持之也是毋為古
貫字六國表田完世家云齊宣公伐衛取故貫弓之
毋正義引括地志曰故貫城即古貫國
貫又作毋也素隱本出毋弓二字注曰上音彎今本既

改母爲彎又改注文曰彎音烏還反不知母爲彎之俗
字故必須音釋若本是彎字則無須音釋矣凡史記彎
弓字索隱
皆無
何不思之甚也

侵燕代

南并樓煩白羊河南王侵燕代悉復收秦所使蒙恬所
奪匈奴地者念孫案侵燕代三字因下文遂侵燕代而
行冒頓既至河南并樓煩白羊遂復收秦所奪地二事
正相因秦所奪地卽河南地也若加入侵燕代句則別
爲一事與上下不相聯屬且下文遂侵燕代四字爲贅
語矣漢書漢紀竝無侵燕代三字

青駝馬 烏驪馬

其西方盡白馬東方盡青駝馬北方盡烏驪馬南方盡駢馬念孫案青駝烏驪下本無馬字後人依上下文加之也西方盡白馬東方盡青駝北方盡烏驪南方盡駢馬皆五字爲句其馬色之一字者則加馬字以成文兩字者則省馬字以協句爾雅釋地之說八方東西南北之下皆有方字而東南西南西北東北之下皆無方字例與此同也後人不知古人屬文之體而於青駝烏驪下各加一馬字則累於詞矣藝文類聚獸部上太平御覽獸部五引此青駝烏驪下皆無馬字

合約

匈奴無入塞漢無出塞犯合約者殺之念孫案合約當為今約謂犯今日之約也漢書正作今約

負私從馬

乃粟馬發十萬騎負私從馬凡十四萬匹念孫案負私從馬文不成義當依漢書作私負從馬寫者誤倒耳負從馬者負衣裝以從之馬也非公家所發故曰私負從馬顏師古曰私負衣裝者及私將馬從者分私負與從馬為二事亦非正義曰謂負擔衣糧私募從者則所見本私負已誤為負私矣下文曰糧重不與焉正義言負糧亦非

士卒

初漢兩將軍大出圍單于所殺虜八九萬而漢士卒物
 故亦數萬漢馬死者十餘萬念孫案卒字後人所加漢
 士與漢馬對文士即卒也無庸更加卒字索隱本及漢
 書皆無卒字

今單于能即前與漢戰

今單于能即前與漢戰天子自將兵待邊單于即不能
 即南面而臣於漢念孫案能即當為即能即能與即不

能文正相對漢書西南夷傳注曰即猶若也

昭十二年左傳即欲

有事何如言若欲有事也莊三十二年公羊傳寡人即不起此病吾將焉致乎魯國言若不起此病也僖三十

三年傳爾即必於殺之欽嚴言爾若成也襄二十七年傳我即成女能固納公乎言我若成也爾雅釋地西方有比肩獸焉與邛邛距虛比為邛邛距虛鬪甘草即有難邛邛距虛負而走言若有難也僖二十三年左傳公子若反晉國則何以報不殺晉世家作子即反國何以報寡人昭七年傳我若獲沒必為說與何忌於夫子孔子世家作吾即沒若必師言單于若能與漢戰則天之尤其明證也詳見釋詞

子方自將待邊若不能則南面而臣於漢也酷吏傳曰所治即上意所欲罪子監史淡禍者即上意所欲釋子監史輕平者所治即豪必舞文巧詆即下戶巖弱時口言雖文致法上財察續龜策傳靈龜卜祝曰某欲求某物即得也頭見足發內外相應即不得也頭仰足胗內外自隨是即與若同義今本作能即者後人不解即字

之義而顛倒其文耳。後人倒能字於上者，斷今單于能為句以對下文單于，即不能又斷。
即前與漢戰為句，以對下文即南面而臣於漢也。不知即能前與漢戰之，即訓為若與即南面而臣於漢之，即不同。且單于即不能者，謂不能與漢戰也。不言與漢戰者，義見於上，而文省於下也。若發端之句，不云單于能與漢戰，而但云單于漢書匈奴傳正作即能前與漢戰，能則文不成義矣。

衛將軍驃騎列傳

大將軍

驃騎所將常選，然亦敢漢入常與壯騎先其大將軍軍。亦有天幸，未嘗困絕也。董份曰：常與壯騎先其大將軍為句，軍亦有天幸承上文來，皆言驃騎也。王右丞詩：衛青不敗由天幸，則是以大將軍別起為句矣。不知太史

公此傳專右大將軍而貶驃騎謂驃騎受上寵又有天

幸所以不困絕而成功也念孫案先其大將軍本作先

其大軍謂驃騎敢於深入嘗棄其大軍而先進也上文

曰與輕勇騎八百直棄大軍數百里赴利是其證也大

軍漢書亦誤作棄大將軍蓋篇內稱大將軍者甚多因而致誤矣棄大軍而先進則寡

不敵眾易致困絕故下文曰軍亦有天幸未嘗困絕也

若云先其大將軍則其字之義不可通矣王右丞詩衛

青不敗由天幸此是誤記霍事為衛事非以大將軍別

起為句也如以大將軍別起為句則上文常與壯士先

其六字不能成句矣恐右丞不如是之鹵莽也董氏知

正右丞之失而不知將字之爲衍文亦誤也漢書衛青
霍去病傳無將字

使人先遣使向邊境要遮漢人令報天子要邊
渾邪王與休屠王等謀欲降漢使人先遣使向邊境要
遮漢人令報天子要邊念孫案自使人至要邊十八字
蕪累不成文理蓋正文但有使人先要邊五字其遣使
向邊境要遮漢人令報天子十三字乃集解之誤入正
文者也當在使人先要邊之下今誤入使人先之下要邊之上索隱本出先要邊
三字注曰謂先於邊境要候漢人言其欲降漢書作使
人先要道邊此皆其明證矣

平津侯主父列傳

意忌

爲人意忌外寬內淡索隱曰謂外寬內淡意多有忌害也念孫案小司馬以意爲志意之意非也意忌二字平列意者疑也內多疑忌故曰外寬內淡也陳丞相世家曰項王爲人意忌信讒酷吏傳曰張湯文淡意忌義竝與此同古者謂疑爲意說見孟嘗君傳

恐竊病歿

恐竊病歿無以塞責索隱曰案人臣委質於君歿生由君今若一朝病歿是竊歿也念孫案小司馬說甚迂恐

竊當爲竊恐寫者誤倒耳漢書作恐病亦無以塞責意亦同也

澤鹹鹵

地固澤鹹鹵不生五穀念孫案鹹字後人所加集解引
瓚曰其地多水澤又有鹵則鹵上本無鹹字又引徐廣
曰澤一作斥漢書作澤鹵漢紀作斥鹵是澤鹵卽斥鹵
斥鹵之間加一鹹字則文不成義矣又案夏本紀海濱
廣湯徐廣亦曰湯一作澤又作斥禹貢作斥河渠書溉澤鹵
之地索隱曰澤一作易本或作斥易鹵澤鹵並與斥鹵
同薛瓚以澤爲水澤鹵爲鹹鹵分澤鹵爲二義亦失之

下脩近世之失 脩其故俗 後世脩序

夫上不觀虞夏殷周之統而下脩近世之失念孫案脩與失義不相屬脩當依漢書作循謂因循近世之失而不改也又下文秦不行是風而脩其故俗脩亦當依漢書作循上文云變風易俗與此正相反也又太史公自序扁鵲守數精明後世脩序弗能易也脩亦當爲循周頌閔子小子傳曰序緒也言後世皆循其緒莫之能易也隸書循脩相似傳寫易譌說見管子廟堂旣脩下

朝鮮列傳

朝鮮不肯心附樓船

朝鮮大臣乃陰閒使人私約降樓船往來言尙未肯決
左將軍數與樓船期戰樓船欲急就其約不會左將軍
亦使人求問卻降下朝鮮朝鮮不肯心附樓船以故兩
將不相能念孫案朝鮮不肯心附樓船朝鮮二字蒙上
而行此言樓船不會左將軍左將軍亦不肯心附樓船
故曰兩將不相能非謂朝鮮不肯心附樓船也漢書不
肯上無朝鮮二字

西南夷列傳

巴蜀

始楚威王時使將軍莊躄將兵循江上略巴蜀黔中以

西念孫案蜀字因上文巴蜀而衍莊蹻將兵循江上自巴黔中以西至滇池不得至蜀也漢書作略巴黔中以西是其證又貨殖傳巴蜀寡婦清巴寡婦之邑清其名也而衍索隱曰漢書作巴寡婦清巴寡婦之邑清其名也

地方三百里

蹻至滇池地方三百里念孫案此言滇池地方三百里池下不當有地字索隱本及漢書皆無地字池地字相似又因下句地字而誤衍也下句云蜀平地肥饒數千里乃始言池旁之地耳

開蜀故微

秦時常頽略通五尺道諸此國頗置吏焉十餘歲秦滅
 及漢興皆棄此國而開蜀故徼念孫案開當為關言秦
 時常於諸國置吏及漢初則棄此諸國而但以蜀故徼
 為關也匈奴傳悉復收秦所使蒙恬所奪匈奴地者與漢開故河南塞彼言關故河南塞猶此言關蜀
 故徼下文曰巴蜀民或竊出商賈即謂出此關也若云

開蜀故徼則與上下文皆不合矣關字俗書作開唐顏元孫

干祿字書曰開關上俗下正開字俗書作開二形相似故開誤為開
楚策大關天下之匈淮南道應篇京關鴻蒙之先說文管十二月之音物關地而身故謂之管今本關字並誤
 作漢書西南夷傳正作開蜀故徼

道而北牂柯

蒙問所從來曰道西北牂柯江廣數里出番禺城
下念孫案道西北牂柯下亦當有江字道從也言從而
北牂柯江來也索隱本出道牂柯江四字漢書漢紀竝
作道西北牂柯江江廣數里是其證

司馬相如列傳

相如乃與馳歸家居徒四壁立

相如乃與馳歸家居徒四壁立念孫案馳歸下脫成都
二字當從宋本補文選左思詠史詩注引此亦有成都
二字漢書同家居徒四壁立本作居徒四壁立居卽家
也家居二字古聲義竝相近故說文曰家
居也周官典命注曰國家國之所居索隱引孔文

祥云家空無資儲但有四壁而已家字正釋居字故漢書作家徒四壁立宋本及各本皆作家居徒四壁立則文不成義此後人依漢書旁記家字而寫者因誤入正文也汲古閣單行索隱本本作居徒四壁立後補入家字而字形長短不一補刻之迹顯然文選詠史詩注引作居徒四壁立六帖二十二日司馬相如居徒四壁則無家字明矣

不能復

是以王辭而不能復何爲無用應哉念孫案能字後人所加此言王不敢言游戲之樂苑囿之大又以客禮待

先生是以辭而不復非無以應也若云不能復則卽是無以應與下句義相反矣漢書文選及藝文類聚產業部引此竝作王辭不復索隱本作王辭而不復皆無能字

邛都

通零關道橋孫水以通邛都念孫案邛都本作邛笮此淺學人改之也上文言邛笮并驪皆請爲內臣下文言朝拜從驪定笮存邛則此不得但言通邛都也索隱本出通笮二字案此脫邛字注曰案萃陽國志云相如卒開夔道通南中開越嶲郡韓說開益州唐蒙開牂柯斬笮王

首置牂柯郡則正文內有笮字明矣漢書正作通邛笮

結軌

結軌還轍念孫案索隱本軌作軼注曰音轍漢書作軌

據此則史記本作結軼

孝文紀結軼於道田完世家伏式結軼而馳凡史記莊子戰國

策轍字多作軼

與漢書不同今本依漢書改爲結軌又刪去注

內音轍漢書作軌六字而加入軌車迹也四字斯爲謬

矣

阻澗

阻澗闇昧得懼乎光明索隱本阻澗作阻爽注曰三蒼

云阻爽早朝也阻音昧字林又音忽念孫案作阻爽者

是也漢書漢紀文選竝作智爽智說文作吻尙冥也封禪書昧爽郊祀志作吻爽顏師古曰吻爽未明之時也吻音忽智爽與闇昧義相近若作阻澗則與下句得耀乎光明義不相屬蓋後人見上文有山川阻澗之語而妄改之也乃或於注內加阻澗漢書作智爽七字以牽合己改之正文則其謬益甚矣

綢繆

綢繆偃蹇恍以梁倚念孫案綢繆本作綢繆淺學人改之也漢書作綢繆張揖曰綢繆掉頭也顏師古曰綢徒鈞反繆盧鈞反音義與綢繆迥別索隱本正作綢繆

注曰蚘音徒弔反，𪔐音來弔反，徒弔之音與雌相近，故集解引徐廣曰：蚘一作雌。今并集解索隱內之蚘字皆改爲綢，而不知其與徒弔之音不合也。

沫沫

通陝游原迴闊沫沫，念孫案沫本作末，沫末與游原相對，今作沫者，因沫字而誤加水旁耳。文選亦誤作沫，唯漢書不誤。

歲斯 沆瀣 檉檉 荔枝 媼媼 杳渺

歲蕤

念孫案索隱本歲斯作歲析

子虛賦歲斯苞歲索隱本斯作析注曰針斯二音析

注曰婢蒼云無媚悅也通俗文云類轉謂之無媚
 案漢書文選並作媼說文媼媼也則作媼者是
 作杳眇大人賦紅杳眇以眩潘兮集解曰杳眇
 無光也素隱曰晉灼云杳眇遠也案漢書正作眇上
 文上林賦俛杳眇而無見字亦作眇此獨作眇者後人
 妄改之耳說文無眇字古葳蕤作威蕤封禪書紛綸葳
 書中杳眇字亦無作眇者葳蕤作威蕤蕤索隱本葳作
 威注曰胡廣云威蕤委頓也張揖云亂鬼案漢書文選
 並作威說文無葳字則作威者是也凡威蕤之威或作
 葳者皆因蕤字而誤上文子虛賦鎔蕤翠之威蕤張衡
 東京賦羽蓋威蕤字並作威又案威蕤與紛綸連文張
 揖以為亂兒是也陸機文賦紛威蕤以較之今本皆為
 馭選義與此同胡廣以為委頓夫之較之今本皆為
 近古

淮南衡山列傳

奉以二千石所不當得

聚收漢諸侯人及有罪亾者匿與居爵或至關內侯奉以二千石所不當得索隱曰所不當得謂有罪之人不當得關內侯及二千石念孫案小司馬說非也所不當得衍不字漢書作奉以二千石所當得如淳曰賜亾畔來者如賜其國二千石也薛瓚曰奉畔者以二千石之秩祿也集解引此二說爲解則正文內本無不字明矣

遂考

上卽令丞相御史遂考諸縣傳送淮南王不發封餽侍者皆棄市念孫案遂當從宋本作逮逮捕也考問也言

捕問之也漢書正作逮

師古曰逮追捕之也

道從長安來

諸使道從長安來。念孫案：道即從也。漢書作諸使者道。長安來。顏師古曰：道從也。鄭注禮器曰：道猶由也。從也。鼂錯傳：道軍所來。集解引薛瓚曰：道，由也。大荒西經：風道北來。郭璞曰：道猶從也。引韓子十過篇曰：元鶴二八道南方來。是道與從同義。今本史記作道從長安來者。一本作道。一本作從。而後人誤合之耳。索隱引姚丞云：道或作從，是其明證矣。

漢書西南夷傳道西北
詳柯江漢紀道作從

為偽 偽為

使徐福入海求神異物，還為偽辭曰：念孫案偽上本無。

爲字僞卽爲字也還僞辭者求神異物不得既還而爲
之辭也後人誤讀僞爲詐僞之僞故又加爲字不知無
其事而爲之辭卽是詐僞無庸更言僞也太平御覽珍
寶部引此作還僞辭曰是其證堯典朕聖讒說姦行五
帝紀作姦僞僞與爲同字爲與行同義昭二十五年左
傳臧昭伯之從弟會爲讒於臧氏魯世家爲作僞此傳
下文使人僞得罪而西僞失火宮中漢書竝作爲是史
記爲字多作僞也又堯典平秩南僞僞衛包改作訖今據周官馮相氏注
影宋本周官釋文及羣經音辨改正五帝紀作南爲今本爲作譌亦後人依衛包改之今據索隱改
唐風采芣篇人之爲言正義曰定本作僞言月令

母或作為淫巧鄭注曰今月令作為為詐偽成九年左

傳為將改立君者釋文為本或作偽爾雅造為也王風

兔爰傳作偽也楚策孫子為書謝韓詩外傳作偽書本今

作偽喜亦逸周書史記篇上衡氏偽義弗克偽義即為

後人所改義荀子儒效篇其衣冠行偽已同於世俗矣行偽即行

為衣冠行偽四字平列下文其言議談說已無以異於

墨子矣言議談說亦四字平列考韓詩外傳正作衣

冠行為楊倞注以為行偽而堅謬矣又正論篇曰不能

凡荀子為字多作偽楊注皆失之

以義制利不能以偽飾性禮論篇曰無性則偽之無所
加無偽則性不能自美正名篇曰心慮而能為之動謂
之偽慮積焉能習焉而後成謂之偽性惡篇曰人之性

惡其善者偽也

論衡本注篇引此而釋之曰性惡者人生皆得惡性也偽者長大之後勉使為

善也案此篇內為字皆作偽

淮南假真篇曰趨舍行偽詮言篇曰道

理通而人偽滅義竝與為同是諸書為字亦多作偽也

又此傳下文偽為丞相御史請書偽為左右都司空上

林中都官詔獄書兩為字亦後人所加偽即為字也漢

書伍被傳作為丞相御史請書為左右都司空上林中

都官詔獄書是其證

王氣怨結而不揚涕滿匡而橫流

於是王氣怨結而不揚涕滿匡而橫流即起歷階而去

念孫案氣怨結而不揚二句指伍被而言非指淮南王

而言王字衍文也若指淮南王而言則與下文卽起歷階而去不相承接矣漢書伍被傳作被因流涕而起是其證通鑑漢紀十一作王涕泣而起蓋所見史記本已衍王字因以致誤耳

汲鄭列傳

段宏

濮陽段宏念孫案索隱本段宏作段容注曰漢書作段宏據此則史記本作段容而今本作段宏則後人據漢書改之也凡隸書左字或作右形與各相似故從左從各之字傳寫往往相亂

漢書成帝紀中山憲王孫宏又外戚漢紀作中山憲王孫宏又外戚

傳中黃門田客漢紀作田闕說文闕所以止罪也今本爾雅闕作閔越語王孫雒今本雒作雒海外西經爾雅之國有樹名曰雄常雄或作雒呂氏春秋雅言篇空洛之遇淫辭篇作空雒

儒林列傳

從容

竟在三公位以和良承意從容得久念孫案從容者從

諛也言以承意從諛故得久居其位也汲黯傳從諛承

意是其證

下文曰董仲舒以宏為從諛語史傳贊曰杜周從諛

諛容一聲之轉從

諛之為從容猶縱史之為從容

漢書衡山王傳日夜縱史王謀反事史記作從

容鬼史區之為鬼容區矣

漢書郊祀志問於鬼史區師古曰藝文志云鬼容區而此

志作史區史容聲相近蓋一也

因以起其家

孔氏有古文尙書而以今文讀之因以起其家逸書得十餘篇索隱出起其家逸書五字解曰起者謂起發以出也引之曰當讀因以起其家為句逸書二字連下讀

起興起也家家法也

後漢書順帝紀曰先能通經者各令隨家法儒林傳曰立五經博士

各以家法教授徐防傳曰漢立博士十有百家

漢世尙書多用今文自孔氏治

古文經讀之說之傳以教人其後遂有古文家

論衡感類篇說

命瞻曰古文家以周公齊楚故天雷雨以悟成王

是古文家法自孔氏興起也

故曰因以起其家漢書藝文志曰凡書九家謂孔氏古文伏生大傳歐陽大小夏侯說及劉向五行傳許商五

行傳記逸周書石渠議奏也劉歆傳曰數家之事皆先
帝所親論今上所考視謂逸禮古文尙書春秋左氏也
是古文尙書自爲一家之證書序正義引劉向別錄曰
武帝末民間有得秦書者獻之與博士使讀說之數月
皆起後漢書桓郁傳注引華嶠書曰明帝問郁曰子幾
人能傳學郁曰臣子皆未能傳學孤兄子一人學方起
上曰努力教之有起者卽白之是起謂其學興起非謂
發書以出也逸書已自壁中出何又言起發以出邪

酷吏列傳

罪常釋問卽奏事

非常釋問即奏事上善之集解新非常釋問為句引徐廣曰詔答問也如今制曰問矣念孫案如徐說則非常釋問四字義不相屬問當依漢書作問字之誤也非常釋為句謂其非常見問釋也此結上之詞問即奏事為句問即猶今人言問或也此起下之詞問即奏事上善即譴而言兩即字竝與或同義言湯奏事或遇譴責則謝罪曰正監掾史某固為臣議如上責臣臣弗用以至於此間或奏事而上善之則曰臣非知為此奏乃正監掾史某為之也下文曰所治即上意所欲罪子監史漢禍者即上意所欲釋子監史輕不者所治即豪必舞文巧詆即下戶歲殿時口言雄文致法上財察此四即字亦與或同義

上黨郡

補上黨郡中令念孫案此本作補上黨中令今本上黨
下有郡字者因索隱內上黨郡而誤也索隱本出上黨
中令四字注曰謂補上黨郡中之令若正文內本有郡
字則索隱爲贅語矣又案篇內所稱郡名凡一字者其
下必加郡字若兩字者則不加郡字此文上黨下本不
當有郡字而漢書亦有疑後人依誤本史記加之也

捕其爲可使者

楊可方受告緝縱以爲此亂民部吏捕其爲可使者念
孫案索隱本出求爲可使四字注曰謂求楊可之使據
此則正文本作求爲可使者今本作捕其爲可使者疑

後人依漢書改之也

徒諸名禍猾吏

徒諸名禍猾吏與從事集解引徐廣曰有殘刻之名索
 隱本作徒請名禍猾吏漢書作徒請召猜禍吏應劭曰
 徒但也猜疑也取吏好猜疑作禍害者任用之念孫案
 此當作徒請召猾吏與從事上文云猾民佐吏為治是
 也索隱本作徒請名禍猾吏名即召之譏禍即猾之譏
 而衍者也隸書猾禍相似說見漢書高祖紀禍賊下今本作徒諸又徒請之
 譏漢書作徒請召猜禍吏猜禍二字皆猾字之譏此是
 作猜一本作禍而禍猾吏猜禍吏名禍猾吏皆文不成
 寫者又誤合之也

義

以焄大彖

舞文巧詆下戶之猾以焄大彖集解徐廣曰焄音熏索
 隱本作熏注曰熏猶熏炙之謂下戶之中有姦猾之人
 今案之以熏逐大姦漢書作動顏師古曰治下戶之狡
 猾者用諷動大彖之家念孫案史記舊本當作動動即
 動之誤故漢書作動也樂記謹以立動其作熏作焄者
 又皆動之誤也呂氏春秋離謂篇眾口動天高注動感動
誤為因文求義當以作動者為是索隱熏炙之說其失
 也迂矣

小羣盜

小羣盜以百數念孫案盜字後人所加上文大羣至數千人羣下無盜字卽其證蓋前旣云盜賊滋起故後但云大羣至數千人小羣以百數無庸更言盜也漢書無盜字

能因力行之

然獨宣以小致大能因力行之難以爲經念孫案因當爲自言獨宣能自力行之而他人則不能故曰難以爲經也隸書因字或作囙見漢泰山都尉孔宙碑魯相史晨碑孔頴後碑形與自相似故自誤爲因漢書作能自行之是其證

推減

天水駱壁推減集解徐廣曰一作成索隱曰推減上音

直追反下音減一作成是也謂推繫之以成獄也念孫

案推減者推成之譌成又成之譌也推即推擊之推故

音直追反若推字則當音尺追湯回二反不當音直追

反矣成有減音故云音減萬石君傳九卿減宣漢書作

成宣服虔曰成音減損之減攻工記轉人注輪輻與軫輳大小之成釋文成本又作

成同治斬反桌氏注消凍之精不復成也釋文成治斬反本亦

作減若本是減字則不得云音減矣且成與成字相

近故徐廣曰成一作成也注內推繫乃推擊之譌推擊

之以成獄故曰推成所謂極楚之下何求而不得也今

本惟咸譌為推滅又刪去索隱內下音滅三字以牽合已誤之正文斯為謬矣

蝮螫

京兆無忌馮翊殷周蝮螫索隱曰蝮音蝮蛇螫音螫膠也言其酷比之蝮毒螫攬念孫案小司馬說甚謬蝮讀為蝮蝮螫皆很也言其很戾不仁也廣雅曰蝮螫很也宣十二年左傳剛愎不仁杜預曰愎很也漢書匈奴傳天性忿螫顏師古曰螫很也愎字從亥得聲故與蝮通字又作復趙策曰知伯之為人好利而螫復是也韓子十過篇復又作覆管子五輔篇曰下愈覆螫而不聽從是也作復

大宛列傳

大王長

大夏與大宛同俗無大王長往往城邑置小長念孫案
王長當依漢書漢紀作君長上文曰條枝往往有小君
長卽其證太平御覽四夷部引史記正作大君長

破匈奴西城數萬人

漢遣驃騎破匈奴西城數萬人凌稚隆曰西城漢書作
西邊是念孫案邊與城形聲俱不相近若史記本是邊

字無緣誤爲城也城當爲城字之誤也

呂氏春秋勿躬
篇平原廣域漢

書敘傳方今雄桀帶州城者今本城字並誤作城又漢
書天文志爲其環域千里內占史記天官書城誤作城

域者界也史記作西域漢書作西邊其義一也下文曰
單于復以其父之民予昆莫令長守於西城城亦域之
誤上文曰昆莫之父又漢書作破匈奴西邊殺數萬人
史記脫殺字

善眩人

以大烏卵及黎軒善眩人獻于漢念孫案眩上本無善
字後人以上文云條枝國善眩因加善字也不知此言
眩人卽是善爲眩術之人無庸更加善字漢書張騫傳
正作眩人顏師古曰眩讀與幻同後漢書陳禪傳西南
夷揮國人獻幻人幻人卽眩人也索隱本出黎軒眩人

四字注曰韋昭云眩人變化惑人也則無善字明矣

偵而輕之

王申生去大軍二百里偵而輕之漢書偵作負師古曰負恃也恃大軍之威而輕敵也念孫案如漢書注則史記偵字乃偵字之誤淮南詮言篇自偵而辭助高注曰自偵自恃也史記太史公自序曰栗姬偵貴又曰偵愛矜功偵竝與負同後人多見偵少見偵故偵誤爲偵矣

瑤池

禹本紀言河出崑崙崑崙其高二千五百餘里日月所相避隱爲光明也其上有醴泉瑤池念孫案瑤池本作

華池後人多聞瑤池冥閻華池故以意改之耳論衡談
天篇曰太史公曰禹本紀言河出崑崙其高二千五百
餘里其上有玉泉華池藝文類聚山部太平御覽地部
白帖崑崙山類引史記竝作華池又文選遊天台山賦
嗽以華池之泉李善注引史記曰崑崙其上有華池又
洪興祖楚辭補注離騷篇曰禹本紀言崑崙山高二千
五百餘里其上有醴泉華池此注卽本於史記是洪氏
所見本尙作華池而今本作瑤池則元以後漢人改之
也又案海內西經崑崙之虛方八百里高萬仞郭璞曰
自此以上二千五百餘里有醴泉華池見禹本紀是

禹本紀自作華池與他書言瑤池者異也

本紀所謂崑崙者

惡觀本紀所謂崑崙者乎念孫案索隱本出惡觀夫謂
昆侖者乎八字注曰惡於何也言張騫窮河源至大夏
于窰於何而見昆侖爲河所出據此則正文本作惡觀
夫謂昆侖者乎夫字卽指禹本紀而言今本作惡觀本
紀所謂崑崙者乎疑是後人增改漢書作惡睹所謂昆
侖乎亦無本紀二字又昆侖作崑崙亦是俗改

余不敢言之也

至禹本紀山海經所有怪物余不敢言之也念孫案索

隱本出余改言也四字注曰余改言也謂山海經難可

信耳據此則正文本作余改言也與邪同昭六年左傳今豆有

加下臣弗堪無乃戾也魯語主亦有以語犯也論語為政篇子張問十世可知也雅也篇仁者惡告之日并有

仁焉其從之也孟子告子篇然則飲食亦在外也也字竝與邪同顏氏家訓音辭篇邪者未定之詞北人即乎

為也字荀子正名篇注也當為邪大戴禮五帝德篇請問黃帝者人邪抑非人邪樂記正義引此邪作也淮南

精神篇其以戎為此拘拘邪莊子大宗師篇邪作也史記張儀傳此公孫衍所謂邪秦策邪作也余敢

言邪即是不敢言後人不達而增字以申明之殊為多

事乃或改注內之余改言也為余不敢言者以牽合已

增之正文則其謬益甚矣

游俠列傳

況

陽翟薛況念孫案況本作兄古多以兄為況字見大雅

吳二篇管子大匡篇及漢樊毅脩華嶽碑又呂后紀之

鄒兄漢書翟方進傳之實兄儒林傳之翟子兄又尹翁歸傳翁歸字子

兄皆讀為況索隱本出薛兄二字注曰音況今本改兄為況而刪去其音斯為妄矣

藏命作姦剽攻不休及鑄錢掘冢

以軀僭交報仇藏命作姦剽攻不休及鑄錢掘冢固不

可勝數念孫案及當為乃休乃鑄錢掘冢為一句休上

不字後人以意加之也此因乃譌作及後人不得其解遂於休上加不字以曲通其義

耳漢書作臧命作姦剽攻句休乃鑄錢掘冢句顏師古

日不報仇剽攻則鑄錢發冢也是休字下屬爲句貨殖傳曰起則相隨椎剽休則掘冢此又一證也

侯幸列傳

抗

高祖至暴抗也念孫案抗本作伉淺學人多見抗少見伉故改伉爲抗耳索隱本出暴伉二字注曰伉音苦浪反言暴猛伉直酷吏傳贊云鄧都伉直是也今并注文亦改爲抗不知正文作伉故須作音若作抗則不須作音矣何弗思之甚也

滑稽列傳

幸雨立

女雖長何益幸雨立我雖短也幸休居念孫案幸雨立本作雨中立今本雨上幸字涉下幸休居而衍又脫去中字遂致文不成義太平御覽天部引此作幸雨立亦後人依史記改之初學記人部御覽人事部樂部引此竝作雨中立

宦署

金馬門者宦署門也念孫案宦下脫去者字藝文類聚太平御覽居處部及文選西都賦別賦注引此竝有者字

行十餘日

為治齋宮河上張緹絳帷女居其中為具牛酒飯會行
十餘日念孫案此謂居齋宮中十餘日也十餘日上不
當有行字蓋涉下文浮行數十里而誤衍耳太平御覽
方術部引此無行字

治鄭

子產治鄭民不能欺念孫案治鄭本作相鄭今作治者
因下文治單父治鄴而誤索隱本於下文兩治字皆避
諱作理而此獨作相是正文本作相非作治也

日者列傳

誇嚴

夫卜者多言誇嚴以得人情索隱曰謂卜者自矜誇而莊嚴說禍福以誑言也念孫案莊嚴與矜誇事不相類嚴讀爲讖說文曰讖誕也誇讖也廣雅同廣韻引東觀漢記曰雖誇讖猶令人熱誇讖猶言誇誕此謂卜者多言誇誕以惑人讖與嚴古今字也管子法法篇國母怪嚴母雜俗母異禮嚴亦與讖同怪讖猶怪誕耳

龜策列傳

松根

伏靈者

今作茯苓

千歲松根也念孫案松根本作松脂後人

以上文言茯苓在地中故改爲松根不知茯苓乃松脂所化非松根也淮南說山篇下有茯苓上有兔絲高注曰茯苓千歲松脂也博物志引神仙傳曰松脂入地千
年化爲茯苓藝文類聚木部引元中記曰松脂淪入地
中千歲爲茯苓太平御覽藥部引典術曰松脂入地千
歲爲茯苓又御覽及爾雅翼並引龜策傳曰茯苓者千
歲松脂也皆其明證矣又案呂氏春秋精通篇曰人或
謂兔絲無根兔絲非無根也其根不屬也伏苓是然則
松脂入地爲茯苓茯苓之氣上爲兔絲謂茯苓爲兔絲
之根則可謂爲松根則不可

滿百莖

傳曰天下和平王道得而蒼莖長丈其叢生滿百莖念
孫案滿百莖本作百莖其根今本有滿字無其根二字
者後人依上下文改之也不知上下文言滿百莖皆褚
先生之語此言百莖共根乃褚引古傳之文不與上下
同也藝文類聚草部太平御覽百卉部引此竝作其叢
生百莖共根無滿字上文蒼百莖共一根徐廣曰劉向
云蒼百年而一本生百莖此洪範五行傳語見藝文類聚春秋繁露奉
本篇曰蒼百莖而其一本皆其證也邢昺爾雅釋魚疏
引史記作滿百莖則所見本已誤

有神龜在江南嘉林中

有神龜在江南嘉林中引之曰水經決水注云灌水導源廬江金蘭縣西北東陵鄉大蘇山褚先生所謂神龜出於江灌之閒嘉林之中蓋謂此水也東北逕蓼縣故城而北注決水今灌水出兗州商城縣北流入決水漢書地理志曰廬江郡金蘭西北有東陵鄉灌水所出又曰蓼婁有灌水北至蓼入決是此傳原文本作神龜出於江灌之閒且其地在江北非在江南今本云神龜在江南蓋後人多聞江水少聞灌水故以意改之耳

務以費民

務以費民民字與常郎方彙張嘗傍行祥成享冥光綱

長亾十六字爲韻念孫案民當爲岷岷字古讀若亾本
在陽部故與常郎諸字爲韻說文岷從民亾聲字或作
岷通作萌管子輕重乙篇
則以賜貧岷與兵糧爲韻韓子八姦篇五曰民萌與林
旁凡缺行強方爲韻楊雄幽州牧箴僊我邊萌與康唐
念亾倚其成冥二字則閉用耕部也若民字則在眞部
爲韻
去陽部較遠矣

理達於理

理達於理文相錯迎念孫案理達於理文不成義理達
當爲程達程理右半相似又涉下理字而誤也程與呈
古字通廣雅程見示也張衡西京賦灼龜爲兆其理縱
倂僮程林薛綜曰程猶見也灼龜爲兆其理縱
橫呈達於外故曰程達於理文相錯迎也太平御覽方

術部引此正作程達於理

諸靈數刺

諸靈數刺莫如女信集解徐廣曰音策索隱本作刺注
 曰刺音近策或刺是策之別名此卜筮之書其字亦無
 可竊念孫案說文玉篇無刺刺二字此皆刺之誤也今本
作刺者因徐廣音策而誤索隱本作刺者刺字俗書作刺因誤而為刺說文刺策也從艸
刺聲玉篇音刺刺與策聲相近故索隱曰刺音近策刺
字又有策音故徐廣音策集韻策蒼也或作刺義即本
於徐廣

求財

求財買臣妾顧子明曰財下脫物字前後文竝作求財物

貨殖列傳

幣

無息幣索隱本幣作弊念孫案太史公自序維幣之行以通農桑索隱本亦作弊注曰弊音幣帛之幣是史記幣字通作弊也今本皆改弊爲幣并刪去其音矣古字多以弊爲幣管子四時篇謹禱弊梗鹽鐵論鎔幣篇故教與俗改弊與世易太元元挽古者寶龜而貨貝後世君子易之以金弊字竝與幣同莊子則陽篇搏幣而扶

翼釋文作弊秦策必卑辭重幣以事秦趙策受其幣而厚遇之姚本竝作弊趙策啟關通幣史記虞卿傳作弊

宋本游本王本皆如是 史記司馬相如傳發巴蜀士民各五百人以奉幣帛漢書作弊

什倍其償

求奇繒物閔獻遺戎王戎王什倍其償與之畜念孫案索隱本償作當注曰謂戎王償之牛羊十倍也當字漢書作償據此則史記自作當與漢書不同而今本作償則後人依漢書改之也案當者直也

見廣雅 謂什倍其物之直也又案償之為言猶當也漢書匈奴傳漢出三千

餘騎入匈奴捕虜得數千人還匈奴終不敢取當取當
卽取償也秦策曰亾於秦而取償於齊廣韻償當也則當與償亦同
義無庸改爲償

果隋

楚越之地果隋麻蛤不待買而足索隱曰隋音徒火反

正義曰隋今爲種今本種音同果種猶種疊包裹也今

楚越之俗尙有裹種之語楚越水鄉足螺蛤魚鼈民多

採捕積聚種疊包裹煮而食之班固不曉裹種之方言

脩太史公書述地志乃改云果疏麻蛤非太史公意班

氏失之也引之曰說卦傳艮爲果蔞京房作果墮墮與

隋通則果隋卽果菘班氏不誤守節不識古字乃以唐時俗語說之甚矣其謬也

走死地如鶩

其在閭巷少年攻剽椎埋劫人作姦掘冢鑄幣任俠并兼僭交報仇篡逐幽隱不避法禁走死地如鶩其實皆爲財用耳念孫案宋本游本走死地如鶩下皆有者字是也上文不避湯火之難下文不擇老少下皆有者字

千章之材

山居千章之材集解徐廣曰材一作楸駟案韋昭曰楸

木所以爲轅音秋漢書作干章之萩孟康曰萩任方章者干枚也念孫案史記材字當爲秋字之誤襄十八年左傳伐雍門之萩釋文萩本又作秋莊子人間世篇宜楸柏桑釋文楸作秋史記朝鮮傳封韓陰爲秋苴侯漢書萩作秋

醬干甌

醢醬干珉醬干甌念孫案下句醬字當從漢書作漿此涉上句而誤也北堂書鈔酒會部太平御覽飲會部引史記竝作漿干甌

鰕干石

鮎紫千斤鰕千石鮑千鈞集解徐廣曰鰕音鰕鰕魚也

本作鰕音輒膊魚也說見下索隱曰鰕音輒一音昨苟反小魚也又

曰注鰕音輒膊魚也膊音鋪博反破鮑不相離謂之膊

聲類及韻集雖為此解而鰕生之字見與此同鰕者小

雜魚也自鰕音輒以下至此今念孫案鰕音昨苟反字本皆刪去唯單行本有

從魚取聲說文白魚也鰕音輒字從魚耳聲耳音玉篇

膊魚也方言膊異也燕之北郊朝鮮兩字絕不相通此

文以鮎紫為一類鰕鮑為一類鰕音輒字從耳不從取

世人多見取少見取故鰕誤為鮑今俗書輒字作輒誤

與此同也鰕千石鮑千鈞當作鰕鮑千鈞鮎紫千斤鰕鮑千鈞相對

爲交輒下不當有千石二字蓋因上文揚布皮革千石而誤衍也當依漢書剛徐廣注鮪音鮪
鮪魚也當作鮪音輒膊魚也素隱引徐廣注正作音輒膊魚也正義同考漢書正作鮪鮑千鈞顏師古曰鮪膊魚也卽今不著鹽而
乾者也鮪音輒是其證矣索隱不用徐廣之說乃云鮪
音輒一音昨苟反小魚也且云鮪生之字與此同是直
不辨鮪鮪之爲兩字矣且鮪爲膊魚鮑爲鹽漬魚見玉篇
二類相近故以鮪鮑連文若改鮪爲鮪而訓爲小魚比
之於鮑斯爲不類矣正義說亦與索隱同誤

椎髻

賈椎髻之民念孫案椎髻索隱本作魑結注曰上音椎

下音髻今改魁結為椎髻而刪去其音斯為妄矣陸賈傳尉他魁結箕踞朝鮮傳魁結蠻夷服西南夷傳魁結耕田索隱竝曰上直追反下音計正與此同漢書陸賈傳貨殖傳竝作魁結李陵傳西南夷傳朝鮮傳竝作椎結史記漢書皆無髻字方言覆結謂之幘巾楚辭招魂激楚之結獨秀先些字竝作結

髻字

拙

田農拙業念孫案拙本作掘故徐廣音義曰古拙字亦作掘也後人改掘為拙則與音義相左矣班馬字類引此正作掘淮南說林篇所重者在外則內為之掘亦以

掘爲拙

用之富

田農掘業而秦陽以益一州掘冢姦事也而曲叔以起
博戲惡業也而桓發用之富行賈丈夫賤行也而雍樂
成以饒念孫案桓發用之富本作桓發用富用亦以也
一切經音義卷七引
蒼頡篇曰用以也與上下三以字互文後人於用下

加之字則失其句法矣史記多以以用互文秦楚之際
月表序曰以德若彼用力若此天官書曰歲星出常東
方以晨入於西用昏老莊申韓傳曰儒者用文亂法
而俠者以用禁游俠傳曰魯人皆以儒教而朱家用

三三二
俠聞自序曰智足以應近世之變寬足用得人皆其證也皋陶謨曰侯以明之撻以記之書用識哉管子小問篇曰臣聞取人以人者其去人也亦用人荀子非相篇曰故君子之度已則以繩接人則用撻呂氏春秋疑似篇曰此衰妣之所用歿而平王之所以東徙也韓子揚權篇曰下匿其私用試其上上操度量以割其下皆以以用互文

太史公自序

糲梁

墨者亦尙堯舜道言其德行曰糲梁之會藜藿之羹漢

書司馬遷傳同念孫案服虔曰糲粗米也賈逵注晉語

曰梁會之精者見文選陸機君注是糲粗而梁精不得以

糲梁迎文梁當為梁字之誤也梁字形相近傳寫往往譌潤曲禮糲曰明梁

釋文一本作明梁淮南人開篇飯黍梁今本梁誤作黍爾雅曰黍稷桓二年左傳

曰黍會不斲玉藻曰稷會菜羹論語鄉黨曰蔬食菜羹

黍會稷會蔬會異名而同實也黍與糲皆會之粗者李

斯傳曰堯之有天下也黍糲之會藜藿之羹韓子五蠹

篇曰堯之王天下也糲黍之會藜藿之羹淮南精神篇

曰珍怪奇味人之所美也而堯糲黍之飯藜藿之羹主

術篇曰堯太羹不和黍會不穀皆其證也列子力命篇

北宮子謂西門子曰朕衣則短褐會則粢糲子衣則文
 錦會則梁肉以粢糲與梁肉對言淮南人閒篇陳駢子
 對孟嘗君曰臣之處於齊也糲粢之飯藜藿之羹以身
 歸君會芻豢飯黍粱今本梁誤作黍上文云黍以芻豢
黍粱下文云服輕緩乘牢良良與
今據改以糲粢與黍粱對言是粱精而黍粗可言糲粢
 不可言糲粱也

聖人不朽

聖人不朽時變是守漢書司馬遷傳朽作巧顏師古曰
 無機巧之心但順時也念孫案史記原文蓋亦作聖人
 不朽今本作朽者後人以巧與守韻不相協而改之也

不知巧字古讀若模正與守爲韻韓子主道篇不自操
事而知拙與巧素問徵四失論更名自巧竝與咎爲韻
參同契非種難爲巧與酒爲韻皆其證也上文云以虛
無爲本以因循爲用以虛無爲本卽所謂聖人不巧也
以因循爲用卽所謂時變是守也又云有法無法因時
爲業有度無度因物與念亦是此意此皆言道家無爲
之術故顏師古曰無機巧之心但順時也韓子揚權篇
亦云聖人之道去智與巧若改爲聖人不朽則與時變
是守之義迥不相涉矣索隱本出聖人不朽四字正義
云言聖人教述不朽滅則所見本皆誤

諸侯謀之

惠之早賞諸呂不台崇彊祿產諸侯謀之殺隱幽友大

臣洞疑念孫案諸侯謀之本作諸侯之謀之是也若詩言先

君之思熈婉之求維子之好之類言呂后崇彊祿產而謀劉氏故下文

即云殺隱幽友也後人以謀與台疑韻不相協故改之

謀為謀之而不知謀字古讀若熈詳見唐韻正正與台疑為

韻且呂后稱制之時諸侯未敢謀之也

洞疑

殺隱幽友大臣洞疑索隱曰洞是洞達為義言所共疑

也引之曰索隱以洞疑為其疑其說迂而難通洞讀為

惘惘疑恐懼也吉呂后殺隱王如意幽幽王友而大臣
皆恐也蘇秦傳秦恐韓魏之議其後也是故惘疑虛喝
驕矜而不敢進索隱以惘爲恐懼是也疑亦恐也雜記
曰五十不致毀六十不毀七十飲酒會肉皆爲疑歿鄭
注疑猶恐也大戴禮曾子立事篇曰君子見善恐不得
與焉見不善恐其及已也是故君子疑以終身荀子宥
坐篇其赴百仞之谷不懼大戴禮勸學篇懼作疑管子
小問篇曰駭會虎豹故虎疑焉是疑亦恐也燕世家曰
眾人惘恐惘恐卽惘疑也作洞者假借字耳馮衍顯志
賦亦曰終悚憚而洞疑

來古

比樂書以述來古索隱曰來古卽古來也言比樂書以述自古以來樂之興衰也念孫案小司馬倒釋來古二字非也比樂書以述古來則文不成義來古卽往古也來與往義相反而謂往爲來者亦猶亂之爲治故之爲今授之爲安也大雅文王有聲篇通追來孝通辭也來往也孝者美德之通稱言上追前世之美德也前世之美德故曰往孝所謂追孝于前文人也鄭箋訓通爲述來爲勤謂述追王季勤孝之行失之辯見經義述晉語自今以往知忠以事君者與詹同呂氏春秋上德篇作自今以來呂氏春秋察微篇自今以往魯人不

贖人矣淮南道應篇作自今以來是來卽往也呂氏春秋淫辭篇自今以來秦之所欲爲趙助之趙之所欲爲秦助之韓策顏率曰自今以來率且正言之而已矣本書秦始皇紀曰自今以來操國事不道如嫪毐不韋者籍其門皆謂自今以往也

高祖

維高祖元功輔臣股肱念孫案祖上本無高字後人以此是述高祖功臣因加高字耳今案應劭注漢書文帝紀曰始取天下者爲祖故但言祖而其義已明無庸加高字文選吳都賦注漢高祖功臣頌注弔魏武帝文注

三引此文皆作維祖元功則無高字明矣下文述荆燕世家云維祖師旅劉賈是與又其一證也

其極則玩巧并兼茲殖

其極則玩巧句并兼茲今本此下或索隱曰玩殖此字

為爭於機利句念孫案此以其極則玩巧為句貨殖傳

民益玩巧而事末也并兼茲殖為句爭於機利為句索隱本玩音

五官反云云本在玩巧下今本列入茲字之下殖字之

上則是以其極則玩為句巧并兼茲為句殖爭於機利

為句矣大謬

姜姓解

田闕爭寵姜姓解徐廣曰解一作遷念孫案姜姓解

亾殊為不詞解當為鮮字之誤也凡從魚之字或誤從

元元鰥寡鰥字作鰥史記賈生傳細故懲前兮前字作

前皆共證也漢魯峻石壁殘畫象鮮明騎鮮字作解俗

書解字作解二形相似故鮮字譌而為解月令穀實鮮

落呂氏春秋季夏紀淮南時則篇茲作穀實解落墨子

魯問篇鮮而食之節葬篇作解而食之兩雅釋山小山

別大山鮮釋文曰鮮或作鮮字文選吳都賦嶼湖闕岡

李善引爾雅曰小山別鮮之言斯也俗語斯白之字作

大山曰嶼皆其證也鮮齊魯之閒聲近斯爾雅釋詁釋文曰鮮本或作誓沈

云古斯字斯與鮮聲相近故字相通阮氏伯元學經室

文集曰尚書無佚曰文王懷保小民惠鮮鰥寡鮮即斯

之義斯者語詞故漢石經及漢書谷永傳茲作惠于鰥

寡為孔傳訓鮮為少失之也釋山曰小山別大山無言

鮮即斯故釋言曰斯離也謂田恆與闕止爭寵弑簡

公專齊政而姜姓斯亾也鮮與遷聲相近故徐廣曰一作遷若作解則聲與遷遠而不可通矣

傳兵論劔

非信廉仁勇不能傳兵論劔顧子明曰此本作非信仁廉勇不能傳劔論兵書信仁爲一類廉勇爲一類劔論與兵書對文顏司古曰劔論劔術之論也言非信仁廉勇之人不能傳此二術也上文云在趙者以傳劔論顯漢書司馬遷傳同服虔曰世善劔也晉灼曰史記吳起贊曰非信仁廉勇不能傳劔論兵書也見集解是其證今本仁廉二字倒轉劔論兵三字上下錯亂又脫去書字

不既信

不既信不倍言義者有取焉念孫案不既信不失信也
方言廣雅竝云既失也

統業

維我漢繼五帝末流接三代統業念孫案統業當從漢
書作絕業字之誤也絕業與末流相對爲文下文秦撥
去古文焚滅詩書云云正申明絕業二字之意司馬相
如云反衰世之陵夷繼周氏之絕業意與此同也若作
統業則非其指矣文選頭陀寺碑文惟齊繼五帝洪名
紐三王絕業李善注引史記正作絕業

侯後世聖人君子

侯後世聖人君子念孫案此本作以侯後聖君子今本無以字有世人二字皆後人所改也哀十四年公羊傳曰制春秋之義以侯後聖以君子之爲亦有樂乎此也史公之言卽本於此案傳稱君子有樂乎此本指孔子之雅意有不同而文出於彼詩譜序曰其諸君子亦有樂於是與亦指後賢言之與公羊文同而意異索隱本出以侯後聖君子六字注曰此語出公羊傳是其證後人不知而以意改之謬矣漢書正作以侯後聖君子

索隱本異文

案史記漢書每多古字漢書顏注卽附於本書之下凡
字之不同於今者必注曰古某字是以後人難於改易
而古字至今尙存史記則索隱正義本係單行其附見
於本書者但有集解一書注與音皆未核備是以史記
中古字多爲淺學人所改後人以集解索隱正義合爲
一書乃不肯各仍其舊而必改從今本以歸畫一殊失
闕疑之義今正義已無單行本唯汲古閣所刻索隱本
尙存其今本中正文注文皆經改易者已附辯於各篇
之下其餘異文尙多略記百餘字以資考正如磬石作
盤石

孝文紀此所謂磐石之宗也

索隱本磐作盤他皆仿此

愆滯作苦滯樂書則無愆滯

之音黃鐘作黃鍾律書黃鐘長八寸七分一菽作叔天官書菽為髯作頰

封禪書有龍坐倭魯世家第作弟晉世家君第母

陛下第出偽游雲夢司馬暮作莫五子胥傳吾礪作厲

相如傳長卿第俱如臨邛暮作莫蘇秦傳今虛喝作虛

獨是故桐疑虛喝歷作厭張饒傳吾請輝作輝賈生傳

而下爐作鑪天地賦作缶李斯傳擊鎰作溢鑲金壘作

塹隋壘之愈作愈蒙恬傳若知嚮作鄉韓王信傳及航

作亢劉敬傳不伴作詳田叔高以為稚作穉匈奴傳右

稚輓作輓司馬相如傳軼馳作馳馳即烽作烽聞烽舉

膽作澹澹沈撰作選歷選傲作放日者傳傲戲作檐貨

傳將千厥以二者相較則索隱本皆古字而今本皆俗書也

又如子貢作子贛孔子世家唯子貢應於家上盤作槃平原君傳毛遂奉銅盤

訊作諱賈生傳訊曰箕倨作箕踞張耳陳餘傳高祖箕倨言諂作譙樊噲

羽項裙作幫萬石君傳取親中裙廁臉辭作齧魏其武安傳杜鄒作

鎬司馬相如傳崖作厓察之野作壘跨野網作罔酷吏

天下之網皆與說文相合又如蒼作倉項羽紀吳軍蒼

臣表張蒼救作揅十二諸侯表吳王夫差十一年救陳高苑作高宛高祖

侯者表高苑莊作壯棘陽莊侯杜得臣涇陽莊侯呂勝制侯丙倩

陸梁作陸量陸梁侯恭作共惠景開侯者表管恭侯劉

元以來王子侯者劉濞陪作倍建元以來王子侯條侯作脩

侯將相名臣表中 噍殺作焦殺樂書其聲 大荒落作大

叕落麻書疆梧大 協洽作汁洽作噩作鄂渚灘作汭

漢並同 藩作蕃天官書環之匡 葵女作務女同 穉穉 穉穉 穉穉

平準書三日 管作筦欲擅管山 犁鉏作犁且齊世家 闕

止作監止闕止有 徐州作徐州田常執簡 費王作弗王

晉世家子穆 荀躒作荀欒趙世家荀欒 熒惑作營惑孔子

世家匹夫而 圯作汜馮侯世家步 旗作期三王世家 佚

作軼母伺 寓作偶老子韓非傳大 端木賜作端沐賜漆

雕開漆雕哆漆雕徒父漆雕竝作漆駸公伯僚作公伯

繚公堅定作公肩定申黨作申堂公而歲作公而箴仲

尼弟舫作枋張儀傳舫得作德孟嘗君傳齊屬作躄躄

子傳范而見范洒作灑范然變色易容者馳作施警若馳韓盧愍

作憤屈原傳離詐作非疑賈誼作賈義賈生洛作雒

呂不韋傳倉河匡作桷刺容傳秦舞薤作別李斯傳辯

南洛陽十萬戶匡草作阜望趙軍狡兔作郊兔狡

尊一渡作度淮陰侯傳陳草作阜望趙軍狡兔作郊兔狡

夙通作重向奴傳以示不如廬胸作盧胸築城郭列稽

且作稽衞將軍驛騎敝作弊主父傳靡勞浸作勞寢

面有夷傳其旁東諸蔗作諸柘司馬相如傳雕胡作彫

北有勞浸靡莫諸蔗作諸柘司馬相如傳雕胡作彫

胡東雕胡削作戊削嬰珊作盤獬勃窳作勃窳

勃窳上鄼作豐鄼踰作踰趨滄滄鵬鵬隸作隸渠渠鵬鵬隸隸

鳴作歲鷲鷲鷲鮮枝作鮮支鮮枝榕樑榕樑作荅邏荅邏胥

餘作胥郭胥餘卉吸作卉歛卉吸嫺作閑嫺都都作作竿

印符之印符浸潯作浸淫浸潯眩潯作眩潯眩潯以眩潯以眩潯幾作逢

溪浦溪浦經作徑大宛傳導作道為發導黎軒黎軒作黎軒黎軒

奄蔡奄蔡謫作適滑稽傳竿作干貨殖傳龜作帆太史

與處與處亦可見古書多假俗之字故并記之

史記第六